

永樂大典卷之六千六百九十七

十八陽

江
九江府九

碑碣

九江府志靖節先生祠堂記 先生柴桑之高士上世嘗有大功於晉室
恥以身事異代之主故托於酒而逃焉將以晦其迹時釋氏遠公方興諸
賢為蓮社棲遯之遊獨先生不可致欲以其嗜好招之為置杯酒公乃去
之而弗顧蓋未知先生之志初不在於酒也嘗誦其史述曰但想黃庭顧
比覆契知有志竟瘁其君而不遇寧得錢送酒家淋漓頭上巾方其顛然
散髮醉眠溪上石月紫風清虎馴鵲喚瞬息千古物我兩忘彼高人逸士
顧何以識之渺乎若滄海而莫測其量巍乎若太華而莫窮其高予求其
心而不可得因以其跡觀之先生環堵蕭然風雨弗蔽耕桑而食敗絮自
擁使其愛子居則奉薪水之勞出則荷籃輿以往是豈人情哉地人不堪
當有愁嘆怨激之辭而先生處之怡然今讀其遺文平夷曠達發於中和
淡而實美幽而不怨若未嘗履憂患之途處窮約之地以是知其天也性

也近代得志之士乃欲區區追和其詩辭以跋高躅雖有超世邁轍之才終莫能擬其彷彿蓋先生之心浩然遊乎八極之表視死生窮達若浮雲流水獨與造物者為友而莫知其所然固異乎屈原離騷之作蓋自忠生龔勝董膏之譏未免瑕累其高識先見絕人遠矣是歲本道安撫吳公給事與漕使任公寶文曹公敷文志同議協將以振發感激素節而先生之字卑陋弗稱無以表儀四方垂耀千載於是捐費鳩工以命其屬邑府判潘公聞而義之願益之以地以廣其基而令尹趙君侃之寶蔭殿事度材宏規悉增其舊從不淹時民不告病而輪奐聿新光臨衢道湖南提舉陶公已先為之像貌因易奉安焉又命董行守司管鑰之授公田二十有二畝俾奉祠事過於曩時既勤且惜其教視有方則尉觀純仁之力也令尹乃以記文見屬予歆慕既久義不敢辭庶幾發潛德之幽輝慰里人之陳仰遂援筆而書之乾道六年秋中元日九江周蟠記 狄梁公碑 朝散大夫行尚書吏部員外郎知潤州軍州事上騎都尉賜紫金魚袋范仲淹撰天地閉孰將開焉日月蝕孰將靡焉大廈仆孰將起焉神品望孰將舉焉巖巖乎克當其任者惟梁公之偉歟公諱仁傑字棟英太原人也祖宗高烈本傳在矣公為子極于孝為臣極于忠忠孝之休猶若日月者故歌

于廟中。公嘗赴并州。過太行山。反瞻河陽。見白雲孤飛。曰。吾親在其下。久而不能去。左右爲之感動。詩有陟岵陟屺。傷君子于役。弗忘其親之深。于嗟乎孝之至也。忠之所由生乎。公嘗以同府掾當使絕域。其母老疾。公謂之曰。奈何重大夫人有萬里之憂。詣長史府請代行。時長史司馬方眊。睡不憫。感公之義。歡如平生。于嗟乎與人交而先其憂。况君臣之際乎。公爲大理丞。決諸道滯獄。萬七千人。天下服其平。武衛將軍權善才。坐伐昭陵栢。高宗命戮之。公執奏不却。上怒曰。彼致我不孝。左右某公令出。公前曰。陛下以一樹而殺一將軍。張釋之所謂假有盜長陵一抔土。則將何法以加之。臣豈敢奉詔陷陛下於不道。帝意解。善才得恕。死于嗟乎執法之官。意在少恩。公獨愛君以仁。何所存之遠乎。高宗幸汾陽宮。道出妬女祠下。彼俗謂盛服過者必有風雷之災。并州發數萬人。別開御道。公爲知頓使曰。天子之行。風伯清塵。雨師洒道。彼何害焉。遽命罷其役。又公爲江南巡撫使。奏毀淫祠千七百所。所存惟夏禹太伯季子伍員四廟。曰。安使無功血食。以亂明哲之祀乎。于嗟乎神猶正之。而况於人手。公爲寧州刺史。能撫戎夏。郡人紀之碑。及遭豫州會趙王劼。後緣坐者七百人。籍沒者五千。口有司趣行刑。公緩之。案表以聞。曰。臣言似理。逆人不害。則有無陛下

好生之意。表成履殿。意不能定。坡威非本心。惟陛下矜焉。勅賚之。流于九原。郎道出寧州舊治。父老迎而勞之曰。我狄史君治汝輩耶。相勞哭于碑下。齊三日而去。于嗟乎。古謂民之父母。公則過焉。斯人也。死而生之。豈父母之能乎。時宰相張光輔率師平越王之亂。將士貪暴。公拒之不應。光輔怒曰。州將忽元師耶。對曰。公以三十萬衆。除一亂臣。彼脅從輩。聞王師來。棄城而歸者萬計。公縱暴兵殺降以爲功。使無辜之人。肝腦塗地。如得上方斬馬劍加于君頸。雖死不恨。光輔不能屈。奏公不遜。左遷復州刺史。于嗟乎。孟軻有言。威武不能挫。是爲大丈夫矣。其公之謂乎。公爲地官侍郎。同鳳閣鸞臺平章事。爲來俊臣誣搆下獄。公曰。大周革命。萬物惟新。唐朝舊臣。甘從誅戮。因家人告變。得免死。貶彭澤令。獄吏嘗押公誣引楊執柔。公曰。天乎。吾何能爲。以首觸柱。血流被面。被衛而謝焉。于嗟乎。陷穽之中。不義不爲。况廟堂之上乎。契丹陷冀州。起公爲魏州刺史。以禦焉。時河朔震動。咸驅民保邪郭。公至下令曰。百姓復舊業。寇來吾自當之。狄聞風而退。親人爲之立碑。未幾入相。請罷成。踈勒等四鎮以肥中國。請罷安東以息江南之饋輸。議者疑之。北狄再寇。趙定問。公出爲河北道元帥。狄退就命。公安撫大使前爲突厥所脅從者。咸逃散山谷。請曲赦河北諸州以安。

反側朝廷從之。手嗟乎。四方之事。知無不為。豈虛尚清談而已乎。公在相日。中宗幽房陵。則天欲立武三思。為諸嗣。一日問群臣可否。眾皆稱賀。公退而不答。則天曰。無乃有異議乎。對曰。有之。一昨陛下命三思募武士。歲時得數百人。及命廬陵王代之。數日之間。應者十倍。臣知人心未厭唐德。則天怒。令策出。又一日。則天謂公曰。我夢雙陸不勝者何。對曰。雙陸不勝。官中無子也。復命策出。又一日。則天有疾。公入問。閣中。則天曰。我夢鸚鵡折雙翅者何。對曰。武者陛下之姓也。相王廬陵王。則陛下之羽翼也。是可折乎。時三思在側。怒發赤色。則天以公屢言不奪。一旦感悟。遣中使召廬陵王。矯衣而入。人無知者。乃召公坐於簾外。而問曰。我欲立三思。群臣無不可者。惟侯公一言從之。則與卿長保富貴。不從則無復得與卿相見矣。公從容對曰。太子天下之本。本一搖而天下動。陛下以一心之欲。而輕天下之動哉。太宗百戰取天下。授之子孫。三思何與焉。昔高宗寢疾。令陛下親親軍國。陛下奄有神器數十年。又將以三思為後。如天下何。且姑與母執親子與姪執近。立廬陵王。則陛下萬歲後。享唐家之血食。立三思。則宗廟無附始之禮。臣不敢愛死。以奉制。陛下其圖焉。則天感泣。命寮簾使廬王拜公。公隕絕于地。則天命左右起之。相公背曰。豈朕之臣。杜援之臣也。已而

謂曰。今日國老與汝天子。公哭奏曰。還宮無儀。孰為太子。復置廬陵王於龍門。備禮以迎。中外大悅。于嗟乎。定天下之業。斷天下之疑。其至誠如神。雷霆之威。不得而變乎。則天嘗命公擇人。公曰。欲何為。曰。可將相者。公曰。如求文章。則今宰相李矯。蘇味道足矣。豈文士握銳。思得奇才。以成天下之務乎。并州長史張柬之。真宰相才。誠老矣。一朝用之。尚能竭其心。乃召拜洛州司馬。他日又問人於公。對曰。臣前言張柬之。雖遷洛州。猶未用焉。改秋官侍郎。及召為相。果能誅張易之輩。反正中宗。復則天為皇太后。于嗟乎。薄文章。重才實。其知人之深乎。公之勲德。不可備言。有議論數十萬言。李邕載之別傳。論者謂松栢不夭。金石不柔。受於天焉。公為大理丞。抗天子而不屈。在豫州日。拒元帥而不下。居相位。而能復廢主。以正天下之本。豈非剛正之氣。出乎誠信。見乎事業。當時優游。為紳之中。顛而不扶。危而不持者。何足道哉。故系之云。商有三仁。弗赦其滅。漢有四皓。正於未奪。嗚呼。武暴如火。李寒如灰。何心不隨。何力可回。我公哀傷。拯天之亡。逆長風而孤鶩。遊大川以獨航。金可革。公不可革。孰為乎剛。地可動。公不可動。孰為乎方。一朝威通。群陰披攘。天子既臣而皇。天下既周而唐。七世餘靈。萬年畜光。噫。非天下之至誠。其孰能當。左。朝奉郎集賢校理管亳州明道。

宮黃庭堅書。紹興六年七月朔。左朝請大夫知江州軍州兼管内勸農營田司事主管内安撫公事許端夫重立周濂溪先生祠堂記。古之爲治者。先化而後政。詩書道之宗也。禮樂德之聚也。道德仁之本也。君子於是觀政焉。齊之以刑。斯爲輔治。彼規矩然於簿書期會之末。而不得夫詩書禮樂之意。未之思耳。若稽古周元公先生。閬里舊在江州之濂溪。日因宅爲祠。爲書堂。兵後寄祠府學之光霽堂。非禮也。至元二十八年。總管陳侯時舉新作濂溪書院于所治之東。翰林學士姚公燧爲之記。而先生之墓在德化鄉清泉社。延立豐碑道左。大書曰宋濂溪先生周元公之墓。往來者必式焉。君子謂是役也。有關於風化甚大。然而墓亭未立也。墓祠未復也。諸生春秋來享。列俎豆。野祭墓下。風雨則於民居戲事。不緝尊禮先儒之意。山長廬陵李敬德有志焉。至大四年。夏。廉訪分司成都劉傳之來審決滯獄。謂總管完顏侯曰。崇化勸學。刺史責也。恭惟三月庚寅詔書曰。國家內設國學。外設府州縣學。作成人材。宣揚風化。欽哉。元公祠宇。若有所待。我儀圖之。惟侯其舉之。十月甲戌。侯相地興工。府判張侯實贊其決。庶士競勸。不日成之。貽書眉山陳黃裳曰。此時舉之志也。先化而後政矣。侯請爲立碑。嗟夫。先生之道大矣。祠宇之復美矣。敢贊一辭。嘗因出潯陽。

南門沿乎濂溪風乎五老峯下。至先生墓南草色交翠。芙蓉如玉。想像池
蓮庭草。不覺身在光風霽月中。使人徘徊不能舍去。德之治人也久矣。道
高乎無極。太極之初。而其本在乎無欲主靜。學粹乎誠。無爲幾善惡之妙。
而其目在乎仁義禮知信。隱者其體。費者其用。求之圖書。若高且遠。而實
不出乎日用常行之間。可以入德。可以學聖。非若異端有體無用者比。厥
後二程氏。朱氏。張氏。或見而知之。或聞而知之。紹聞懿德。言使聖人之道。
昭明于天下。而其功實自濂溪先生始。不在孟子下也。豈特春陵豫章。九
江。京口。章貢。橫浦。祀之。將天下通祀之。傳云。語大天下莫能載焉。茲非是
歟。陳侯名元凱。完顏侯名釋傳之。名宗說。張侯名毅。是年十一月戊戌朔
謹記。將仕佐郎江西等處儒學副提舉眉山陳裳撰。司馬溫公祠堂記。
肅政廉訪副使張侯讓。分治江興二郡所治。必率學官弟子講學脩禮。
誨善明教。庶幾罔踰刑簡。協于聖治。至元三十年夏。得司馬溫公七世孫
鎮於生舍。憫其飢困。問其先。則宋靖康後徙越州。公曾孫備。解榮州守道死。
江州。遂葬而家。公三子童。唐早亡。而康爲之嗣。康二子植。桓。而植以嫡長。
爲小宗。兄弟宗之。植生備。備生遜。遜生拯。拯生堅。堅生鎮。皆世嫡長。五世
之宗易。而太宗不遺。凡今之司馬氏之留越。沐洪者。其宗子當在江侯曰。

公作治鑑繼春秋爲萬世正名分。著誤皆准經範。俗學行爲先師俱在祀典。古之等賢者有碓里祀冢。公孫子在主拓圖書安於是。公精靈著存亦在是。何必涑水可無表顯。縱不爲濂溪精舍亦當專賢人之俎豆。元公孫使之有田以祭溫公孫忍不能活其身。江人士不早以告我豈獨有位者罪哉。遂輟俸爲之倡。郡侯趙獻和之。其世家與士知義者咸相以質。命郡掾史市材備工。即學東偏隙地興建祠堂。像公而奉之。別爲舍其左居公孫俾主祠事。視昔與鍛廡下褻而不嚴者異於是。衆咸曰宜。公學本孔氏達道達德九經之誠。其要在謹獨不自欺。循以推之君親長幼朋友夫婦積而克之家國天下。殊隣絕域狠暴盡完。通欽遠慕暫毀終服以至沒世不忘。自契臯伊傳周召之功不見而人以儒爲迂。孔顏曾孟之學不傳。人以儒爲賡。漢仲舒德勝其才唐退之文過其質宋周程朱張有其學而無其位。兼得之者惟公。奈何王安石之僞行終始禍其國公之誠心直道不究厥效。非三代之道不如秦漢無亦時多儒不善擇耳。況汴而浙乎。公自處迂庸卒非詭智速利者所及。至再閱興壞而愈明。人愈敬之。嗚呼。真儒之道如此哉。與二程子出處語默多同。朱文公因其書爰有剛目。遂作之旨亦同。如日星行世。然南方學者不思實踐。剽經訓爲虛文。政宣之弊尤甚。

伏節死義者雖不乏而敗類無廉恥者皆是則揭章公之學行以磨礪薄俗實今日急務中原學者同公之鄉而慕其為人亦當致知力行之並進焉文質彬彬之君子斯侯之志歟侯直聲遠聞咸願民其下祠成將移雄部鼎郡察善視鎮使有恒食無怠世守江人以友潛嘗共學焉而知其故屬筆以書不敢辭也是年秋廬山王友潛記并書翰林直學士承直郎呂師順篆額至正己丑冬月上下郡幕官經歷張汝翼知事齊光祖照磨陳應昌恭祀先聖復詣謁大師溫國公祠時商孫司馬潤出示公圖像官諸神采具存又繼以石碑遺墨視之乃前憲副張君建祠設像之初紀也而石則毀于大德丁酉歲詎今五十年幸司馬氏世守弗墜於是知事齊君玄齋贊協同寅重樹其石盖有以見玄齊公之克敬先賢而善繼張憲副之志云文仍舊貫事刻新題後之視今亦猶今之視昔至正九年十月之望前鄉貢進士江州路儒學正戴懋和謹識景星書院大成殿記昔宋氏以五緯集奎開文明之運蓋嘗挾陋漢唐規模三代自國都郡邑儒宮庠序之制既飭既嚴咸有儀則豐物備禮罔不殫盡至凡先聖鉅公里居宦歷棲寓謫遷之次並建置書院以致稽古尚賢作興士類之意馮呼盛哉潯陽為郡歷載茲久有唐宗臣曰諫議渤者嘗判是州方是時昌黎韓

公。以道德文柄。信天下其誦公之出。謂峻行。觀名必瑞當世。如景星鳳凰。爭先快覩。故後之學者。考按圖誌。即其故居。揭是目以奉遺德。以詔多士。而公之廬。阜舊隱曰白鹿洞者。今又為南康學。茲不舉舉。然則升斯堂。道盛德。雍容俯仰。高山景行之思。得無介然乎。何獨是人。專美有唐。以焜耀簡冊。流芳後來。而吾曹於然。為是沒沒也。且宋以文治。軼前古。南渡來。雖崩眈閭。無讓洙泗。鴻儒碩士。相望繼起。中間懷材負器。蔚為時賢。照映九江者。顧豈乏人。惜無昌黎鉅公。稱誅贊。辨灼鼓舞。而為之倡也。豈有之而往。以殊方未見也。至元乙亥。我國家奄踐全宋。混一九有。大凡列郡名城市。無易肆後三年。朝議置行臺。維揚厥後。以九江為交廣荆湖閩浙之會。移治茲郡。今江西湖東道憲使青崖魏公。時方以侍御史適貳臺端。下車之始。禮謁致奠。首以舊學卑隘。壞漏弗稱。議徹故宇而更新之。山長素。舜龍甘楚材等。承命不辭。惟敬惟謹。乃徵工較力。充用度材。載冗費。節恒用。衆其羨。贏父之積。楮幣為給。四千五百有奇。未碩餘貳百。仍俾史侯兼董其役。是以至元乙酉五月肇功。閏三月落成。自殿序堂廡齋庖門墜。九為屋若干區。而層簷巨棟。增飭有加。輪奐惟新。百廢具舉。至若仰廬山之奇秀。俯澄江之浩渺。瞻金流風。鎮挹清曠。殆可想而得也。於是九江之士。樂

其教育作成之惠乃夫書憲副雪崖馮公咸頌刻石以著茲美。比者兩公合饒俾叙始末。顧為蕪陋之文。不足以稱副之盛績。然兩公世好義。豈得辭。遂次其言于右。既又進而言曰。為兩公親氏自靖肅而上。大恭諸公。世著令德。且靖肅以赴義蹈難。聲動一時。稱重四海。馮氏自臨海松庵而下。正色立朝。英譽凜凜。皆是中州學德高風偉節。大義炳然。茲與諫議頤頤。非疑之私所能議擬。然疑自雅虛以來。方事經讀。則聞先生長者之間。固已熟其盛烈。兩公又能以宏才世學為時顯人。雅範清規。克荷先訓。復恐東南之士。未或前聞也。用是不復牢謙。是則景星之云。嗣當有在。而兩公之倡。未豈以興作之盛。循故事。資聲稱。苟然而已。因附記之。願相與勉焉。以無負兩公之倡云。至元丁亥九月望日。承直郎治書侍御史行御史臺事高凝撰。中大夫江西湖東道提刑按察使廉恂書并題額。壽聖觀記。元有天下。嘉惠黎庶。保柔百神。凡前代所以為民事神者。有舉無廢。惟九江有江湖之險。而壽聖觀祠通慧真君為盛真君姓楊名正。夫始家臨川。嘗遊襄漢。遇異人當宋慶元乙卯。誅茅結屋九江之泥陀菴。救民水旱疾。癘之舊。江湖河漢之厄。次第衆建道院。嘉定初。賜觀額。封通慧先生。咸淳甲戌。觀燬于火。皇元大德乙巳始建殿。皇慶癸丑觀門建橋。延祐甲寅歲。

殿而下以次成。戊午改封真君。加以乎惠仁祐徽稱。恭定丁卯。玄武殿成。元統癸酉。三門成。凡民事神。與國家從民之欲者備矣。九江張鑑趙某爲士。請記廬陵。乃爲之言曰。昔者聖人治天下。自天地日月五行四時。山岳河海。丘陵墳衍。皆聽於一人。而類種望族。咸徧民詩書禮樂。各有其帝。素以無獲戾于上下神祇。有誦之者曰。五日一風。十日一雨。又曰。風不鳴條。雨不破塊。暴未有知其善誦者也。當是時。天清地寧。海晏而不波。河翕而不泛。民生其間。不知帝力。其後德衰。舊害並至。始有盲風怪雨。旱乾水溢。其後德愈降。舊害愈至。有民社者不足禦舊捍患。而一切聽於神。物怪神茲愈益衆矣。嗟夫。甚矣難乎其爲後世之民也。方今聖人作爲舟楫。以濟民車馬之所不通。而民利賴之孰知。乃有中流。一旦號呼。天地鬼神以乞其父母妻子之身者乎。人非管窺。安誰能濟海。自訟其過。惟三日不梳頭。一日晏起而止。又非程叔子誰能渡江。正襟危坐。神色泰然者。則其不見於號呼。一旦亦其勢也。於是爲政者不知先成民而後歛力於神。爲士者不知脩身以事天。爲民者不知遵善以遠罪。其來久矣。使人無明神以禦舊捍患其間。民將若之何。昔人有言。善其魚矣。嗚呼。甚矣難乎其爲後世之民也。自今九江之士。與其鄉人父老。率其子弟。蓋務脩其隱惡。松其肉。

疾。以庭無罪悔於俯仰間。神其有不佑之者乎。此明神之至願。而善為政
治民事神者之望深也。詩不云乎。豈第君子。神所勞矣。廬陵劉岳申撰。
東林寺碑。古者將有聖賢。必有山岳。尼丘啓於夫子。驚嶺保於釋迦。衡
阜之托思。天台之棲頓。豈徒然也。故知土之不平。則巨材不生。地不靈則
異人不降。陰陽潛運。玄符肇開。宿根果於福庭。大事萌於淨土。其來尚矣。
東林寺者。晉大元九年。慧遠法師之所建也。世居廬門樓煩。俗姓賈氏童
妙神悟。壯立精博。初涉華學。不讀非聖之書。中留範經。尤遠是田之說。嘗
就衡岳。觀止道安。火遇於薪。王成於器。雖根種諸佛。而果得一時。獅子吼
言。截聞順喻。維摩詰更了空門。安住四依。脩捨二法。和尚嘆曰。吾道行者
惟此人焉。屬朱序尋戈。縉徒逃海。道由茲廢。其器宿誠。謂其從曰。是處崇
勝。有足底居地。若無流池。曷云法宇。大誰神廟。特異蓮峯。結跏一心。開示
五力。以杖刺地。應時涌泉。既荷殊祥。因立精舍。堅卧禁戒。弘演妙乘。淨業
毒流。木鐸正教。首倡南部。轉覺後人。以知慧力。斷煩惱鎖。由是真僧益廣。
妙供日崇。臨其本圖。弘其別業。廼進自香谷。集坡安棲。即曇現之門生。闢
慧永之何若。相與撰平圖。踰層岩。在山之陽。居水之右。經其始而未究其
末。有其取而未虞其勞。當是時也。桓玄司人。柄翰國鈞。以福莊嚴。因憐禮

施書日力之費。盡出木之功。綠垣雲連。厦屋天贊。如來之室。宛化出於林間。帝釋之幢。忽飛來於牕外。至若奧宇冬煖。高臺夏清。玉水文階。而碧紗瑤林藻庭。而朱寶琉璃之地。月照灼而徘徊。旃檀之龕。吹芬芳而絳薛相事畢集。微妙絕時。羅什致其深瓶。巧窮雙口。姚泓奉其雕像。工極五年。殷堪樞衣。而每談。虛倫避席。而累贊。道弘三界。何止八部。宅心聲聞十方。足使諸天迴首。觀其育王蹟罪。文殊降形。蹈海不沉。驗於陶偶。追火不焚。夢於僧珍。願苟存誠。祈必通感。既多雨以出日。乍積陽以作霖。則有影圖西來。舍利東化。或搭踊於地。或光屬於天。謝客忻味而成文。劉斐詆訶而彈思。所以山亞五岳。江比四溟。地憑法而自高。物因詞而益重。泊梁有榮禪師者。傳燈習明。安心樂行。指拳猶昔。薪盡如生。次有果莊二法師。僧寶所欽。克和止觀。法物為大用。繼往持上座。雲傑寺主道康。都維那道真等。皆沐浴福河。棲止淨業。諸結已盡。白黑雙遣。衆生可度。名色兩忘。纂盛名於舊人。啓新意於今作。重建雅頌。遠託辭夫。代斷有慚。豈云傷手。振筆餘勇。曷議齊賢。但相如好仁。慕簡名而激節。伯皆聞義。讀曹碑而叙能。儻青出於藍。水寒於水。非曰能也。固請學焉。其詞曰。靈山北發。真僧感通。剎泉有力。呵神效功。江儀外演。禪僧內融。性除通執。門開大空。其一瞻禮雲集。底

居寧薄。越廟國勝。降平規博。信臣搜施。護供興作。大起重階。廣延阿閣。其
二。殿墮踊出。寶塔飛來。尊容月滿。法宇天開。化城廣築。道樹移栽。風清梵
樂。石敲花臺。其三。金容海遊。法影山薦。毒龍業消。漁子心變。萬里西傳。一
時東現。華戎異聞。穹厚驚眙。其四。遠實法主。謝惟文伯。光頌累彰。德名增
益。助起江山。聲流金石。一言可追。千載相激。其五。了性了義。或古或今。止
持始律。定慧通心。親物情至。像緣道深。敢憑淨業。永紀禪林。其六。大唐開
元十九年七月十五日。建前陳州刺史江夏李邕文并書。江州重建烟
水亭記。出城南三百步。舊有亭。扁曰烟水亭。其址臨道旁。跨于甘棠李
渤湖之間。廬阜率律倚於東南。林巒周遭。中護一水。山澤通氣。呈巧獻奇。
行道之人。咸可寄目。蔚乎澤國之偉觀也。考驗圖冊。而開迹弗詳焉。故老
相傳。源溪先生之嗣子司封郎官壽所城名。時則紹興元符間也。去今百
餘載矣。中更名故亭宇傾圯。廢而興。興而廢。莫為永圖。十年以來。腐蕘敗
甃。無存者。且其地暴於水。日就輝缺。孰能治而新之。紹興甲寅春。吳興沈
公祖德。以列卿之望。來蒞茲郡。治荒剔蠹。殆閱三時。數條事緒。亦既整整
有法。廼訪城邑觀臺之故而於修葺起廢有志焉。棄自閨闈。藉亭名九十
有三。而其泯弗存者。什七八九。公慨然念之。亦自謂致力。且知所先後。惟

甘棠一湖。蕩漾空闊。歲每祝聖人壽。群縱水族。圍洋其中。而亭枕其涯。實
爲縉紳會之地。是獨非其所當急者。置之勿問可乎。退自經畫。計費錢六
十萬。乃以屬德化縣令沈埴。埴縮縣計之合輸于州者以助之。董事飭工。
悉以接令。考極相方。受成於公。迨季秋。命役築隄。並溯拓基承宇。未浹辰
日。已立。既逾月而成。飛簷列牖。隆棟巨檻。朱扉華表。連甍接高。深廣俱十
六步。亭左益附其四檻。登臨眺覽。地不遺巧。烟霏涵潤。水光接空。林木叢
生。鷗鷺翔集。心舒目眩。恍在烟霧中。公既自喜。延延輯賓。佐觴以落之。客
或慨而言曰。今天地之間。山川之廣。遠觀偉蹟。若此景者。不少矣。而物
換星移。率不過數十年。遠者百年。葵麥春風。回首易感。惟有功而傳。則眾
父眾著。蓋吾邦度公。白公之所道風。派光景至今。猶未泯也。是尚可以歲
計之哉。始公來。又書煩瑣。幣度無儲。克勤于理。宵興聽訟。率滴下米。盡四
刻。而察衆奔走。亦莫敢有懈意。既又能燕樂。紀他用。以惜民力。公上之供。
賴以不匱。浚池堙抵。潦漲里閭。利害悉興。悉除。今又以餘力。經理斯亭。追
復昔人之舊觀。則公之規範。可謂炳炳卓卓。而斯亭又待公而傳。宜其興
起。固自有數耶。金顧斷石以昭不朽。公曰可。迄今書其事云。紹熙甲寅孟
冬望日記。文林郎充江州州學教授余禹績撰。記序 梁元帝唐山序